

興化府莆田縣志卷二十四

人物志

仕蹟傳

宋李欣字公愉曾祖丹唐蔡王蔚八代孫貶莆田令卒遂家于莆欣太平興國八年進士歷階州推官自知州以下皆坐買馬得罪欣獨免由是以清謹聞召對擢通判耀州時關輔盜賊充斥欣陳討捕之策踰月悉平改知儀州拜屯田員外郎出知解州再以屯田郎中知福州有善政民繪像祀之歷

興化府莆田縣志

卷二十四

人物

一仕

廣東廣西京西轉運使始仁宗爲太子欣處師儒及卽位賜璽書褒問除衛尉卿遷諫議大夫卒子八人宗元宗閔相繼登第餘以奏補入官

方偕字齊古興化縣人父鼎從陳洪進入朝累贈工部侍郎偕年二十第大中祥符五年進士爲溫州軍事推官歲饑民欲隸軍就廩州不敢擅募偕詣提點刑獄呂夷簡曰民迫流亾不早募將聚而爲盜矣夷簡從之籍爲軍凡七千人後遷汀州判官御史臺推直官澧州逃卒傭民家自給一日誣告

民事魔馳神歲殺十二人以祭州逮其族三百人
繫獄久不決偕被詔就核令卒疏所殺主名按驗
皆無狀事遂白卒以誣告論死再遷侍御史元昊
入塞門鄜延副總管趙振逗撓不出救詔偕往按
之法當斬偕奏兵寡不敵苟出以餌盜無益也振
由是得不死爲開封府判官奉使安撫江南東西
擢天章閣待制知杭州遷刑部郎中偕精吏事治
杭州有能聲進光祿卿卒

方慎言字應之廷範五子咸平三年進士知信豐蘭

興化府莆田縣志

卷二十四

人物

二仕

溪二縣號稱神明祥符初以殿中丞受詔往淄青
數郡均給蠶賦使還稱旨擢屯田員外仁宗卽位
改侍御史屬丁謂貶崖州遣慎言籍其家得士大
夫干請書悉焚之不以聞人稱其長者請便郡知
泉州歲饑大發官廩以貸民又奏免丁稅全活者
衆父老相泣曰微方公我輩無以生又何有子孫
哉自是生子多以方名歷兩浙轉運使錢塘江決
數十里慎言親庀工授林疊石列大木以殺潮勢
賜璽書褒美改知潭州處劇而裕潭人像而祠之

慎言曰吾容衰朽不足過飾吾心憂勤可得而飽
之邪入爲諫議大夫會擇重臣鎮南越遂以朝請
大夫知廣州卒贈開府儀同三司七子蘊藹蕃蘋
蔚荏荀慎言旣貴先推恩於從父昆弟而後及其
子逮沒而孫尙白衣人服其義絲通熙寧六年進
士除王府翊善以子珍疏論蔡京罷職

方慎從字惟之慎言弟景德二年進士歷知弋陽導
江等縣知潮漳嘉三州再知漳州改都官郎中以
老歸卒慎從所至有德於民在導江日有楠木連

興化府莆田縣志

卷二十四

人物

三仕

理嘉禾九穗之祥璽書褒異守漳日適慎言守泉
州旌麾相望二州人榮之及再至漳人夾道歡呼
曰吾父復來矣子諫臣侍父于漳手斷合水孽蛟
歿漳人憐而祠之孫价熙寧六年進士大觀初知
安豐縣用薦召赴都堂審察不肯私謁蔡京報罷
復知候官縣已而掛冠里居二十餘年終曾孫禧
元符三年進士爲殿中侍御史初慎從在嘉州手
植荔枝于郡圃賦詩有畱取清陰待子孫之句至
大觀中禧持節按蜀部學嘉父老擁車誦慎從詩

爲賀族孫旬紹聖四年進士歷通判建州時劇賊
范仙桂嘯聚境內旬躬督捕榜許自新賊徒殺仙
桂以降移衢州卒

陳鑄字師回興化縣人天聖五年進士知南雄州秩
滿求通判福州以便養母至則贊其守延良師增
腴田以教育後進復通判陳州會有水患悉力拯
援全活者衆歷知潮州登州以恤刑被勅書獎諭
官至朝散大夫光祿卿開國伯

方嶠字次山景祐元年進士授平陽尉改福州司理

興化府莆田縣志

卷二十四

人物

四 仕

叅軍州民鄭以誣繫獄守促令引服嶠力辯其寃
守不能奪遷秘書省著作佐郎知循州吏多狡悍
不法嶠廉得首惡數輩流之郡中肅然改秘書丞
就遷太常博士知潮州潮人祠之以配韓愈改屯
田員外郎通判淄濰二州屬歲荒安撫使命權密
州嶠撫循有方密人德之會遣使寬恤諸路民力
乃以嶠使福建嶠詢訪利病條上多見施行英宗
卽位累遷屯田都官郎中制置汀漳盜賊汀有巡
檢與賊戰歿其部卒懼誅遂謀爲亂嶠謀知取首

謀三人斬之餘悉奏免所活數百人遷司封郎中
改太常少卿以疾乞致仕卒子六人長伯騫補候
官尉有盜殺人追捕無驗伯騫聚里民詢其姓名
至會忍者熟視之曰殺人者若也一訊而服移建
陽丞部使者行縣欲撫令事諷伯騫使言且許薦
之伯騫謝曰擠人以自進所不敢爲且實不知知
亦不當言也官終會昌令次仲宇治平四年進士
知南安縣次叔完元豐中補候官令民以築港瀦
水害懷安民田二邑交訟叔完先往按之曰吾爲

興化府莆田縣志

卷二十四

人物

五仕

令豈私吾民耶乃命改築官至廣東轉運判官次
宙熙寧六年進士紹聖初由京東檢法召對除司
農寺丞恥爲章蔡所舉乞補外遂提舉京西常平
奏乞給還程伊川舊買汝州荒田又以范伯揆唐
義問皆名臣之後乞加獎擢終河東運判官次子
容字南圭皇祐五年進士歷守惠州蘇東坡軾謫
惠時日相唱和嘗爲點勘六經終朝請大夫

方次彭字公述興化縣人偕族孫年十二喪父哀毀
如成人悉以先疇付其兄乃率二弟次臯次夔刻

苦力學皇祐元年兄弟三人同預鄉薦次彭登進士第調劔浦福清主簿遷合州叅軍每與州將論辨疑獄雖屢見折而氣不可奪移知望江縣時有爲盜所殺者尉捕其隣人鞠之獄且具次彭謂事起無情命釋之尉力爭不已旬日果獲真盜改著作佐郎知海陵縣歲大饑次彭悉心賑貸所活甚衆知梅州首興學校躬教導之梅人始知學登第者相繼秩滿士民乞留再任凡六年兩被褒詔元祐初上章致仕子醇道知南劔州以清儉自持孫興化府莆田縣志

卷二十四

人物

六仕

畢紹興間特科潮州推官鄭夾漈稱其文高於天下行高於鄉閭紹興十八年進士知海豐縣歷官俸入悉以調族黨之貧者嘗買婢得少所從師之女育之如已出擇名族嫁之

林伸字伸之攢裔嘉祐二年進士內侍程昉陳屯田實邊之策欲閉舊河開新葫蘆於孟家口滄景德埭四州俱被其害伸條以聞昉劾伸褫一官知新會縣民有以獲盜賞迎合其子者伸知之責其子曰朝廷數路求賢汝不能讀書應選乃欲陷我欺

君邪竟寢之邑多諸司職田歲歉伸放其租稅十之九吏持不可伸曰不過爲民一衝替耳後果符吏言伸恬不爲意以朝奉郎致仕

陳中復字從道祖端大中祥符五年進士太常博士中復年十八與兄孝純同登熙寧六年進士調懷安尉監建州茶務植茶百萬本國課立辦呂嘉問吳棫相繼尹京礫爲叅謀官歷國子監丞兩除提舉京畿西路茶鹽香事時朝廷議行茶法當塗有欲括利源者以中復嘗任茶務令悉陳利害欲進

興化府莆田縣志

卷二十四

人物

七仕

用之中復謝曰吾豈以身計爲權利作備者乎累遷提舉廣西黔南常平事黔南賊熾師出輒敗中復自提軍決戰賊遂平邊吏邀功者奏奪蠻境置從允二州築城防禦中復以爲得其人不可教得其地不可守力奏罷之歷廣南東路提舉刑獄事屬劉花三嘯聚潮梅循惠皆騷動又與連寇合勢徽宗手札委規畫不踰月賊平轉中大夫召還卒方會字子元嶠從孫熙寧九年進士調揚州司法叅軍以薦移建州教授學政大修八州之士羣至朝

廷爲賜田給其廩餼部使者上會教導狀詔進秩
再任後以集英殿修撰知河中府西人入貢所過
售駿馬牧守例得下其估屬吏以請會笑却之朝
廷陞十帥府遴選守臣以會知越州充兩浙安撫
使繕城隍創樓船上所撰水戰法方圓縱橫用六
六舟爲陣得六花八陣之意以時肄習進退疾徐
如在平地政和二年召還入對徽宗獎諭再四累
爵文安郡開國侯卒贈太師子昭崇寧四年銓試
第官至駕部員外郎暄光州司法叅軍始會在壽

興化府莆田縣志

卷二四

人物

八仕

春愛羅山之境因葬焉建炎初維揚告警散兵兩
淮發人塚墓暄恐會墓不免號泣赴援遂遇害

林深之字原叔讜五世孫熙寧九年進士調南劍州
錄事叅軍侍御史張汝賢察訪閩部見建州訟牒
堆積委深之理之時他郡連起大獄追逮相屬于
道二州獨賴深之以免改知下邳縣秩滿年六十
以知開封府都廂致仕子雱以父任補明州刑曹
掾州守毛友治尙嚴峻雱決讞一無所徇友首薦
之改秩歷知錢塘安吉二縣遷通判福州適朝廷

計僧口給食籍餘財輸戶部零以閩地瘠民貧州郡多取辦寺觀若餘財盡籍戶部則州之歲計必歛於民卽白府帥張澄乞以利害奏聞自計口外餘財充歲計朝廷爲止不籍而閩之民遂免橫歛矣官終朝奉郎

徐確字居易寅六世從孫元豐五年試禮部第四策丙科授江陰尉歲潦承計司檄視田以傷告當減租令不悅白計司曰尉意也確曰吾知驗實而已若非實敢避罪耶計司由是是確而非令尉永泰

興化府莆田縣志

卷二十四

人物

九仕

時蔡京以宮祠寓居與確有鄉舊確旣改官京入相欲畱置講議司確辭從吏部選知象山縣久之召爲宗正丞出使兩浙提舉常平適大水歲饑確考禹貢三江之說得吳淞古江以爲大湖東注入海吳淞江在下流向者潮泥墮塞水溢爲患請自封家渡古江開淘至大通港直徹海口計七十四里役徒二百二十萬七千餘人以常平錢米一十八萬三千餘貫石充和催之費水道遂通後守江州中貴人使具舟載花石以貢確拒之司諫陳璘

方謫居確時往來且書抵蔡京曰瑩中久廢宜平
前寃少伸忠義之氣入爲刑部員外郎轉朝奉郎
致仕卒從弟昭大觀三年進士歷橫州司法叅軍
終知潮陽縣凡守將諸司誅求苟法所無而爲
受害者一切不從子師仁有傳

鄭濟字輿梁露禱元豐五年進士調潮州司理就移
端溪令先是縣官踵歿濟至詢其故曰縣解有古
木妖濟戒工伐木妖遂絕秩滿擢考功員外郎以
吏事詳明書考上等中丞石豫蔡京客也欲薦之

興化府莆田縣志

卷二十四

人物

十仕

臺職濟力辭居郎官不遷者四年政和初除衛尉
少卿出知海州移亳州濟推行保伍之法道無拾
遺召入改提點荆湖南路刑獄陞辭徽宗曰湖湘
多盜賊卿何道以處之濟以元豐保伍對上曰神
考此法正爲盜賊設也卿勉之濟至湖湘盜賊屏
息受代赴闕上慰勞甚厚除知泉州尋得祠請致
仕卒累官至朝請大夫

林積仁字充美蘊裔幼而傑異身長七尺豐頰駢齒
聲如鐘紹聖四年進士歷知甌寧縣竭心拊循三

歲益萬五千餘戶徙知北海縣河歲決積仁伐石障木自是無患尋改提舉河東路屬靈夏用兵轉餉盡出河東特轉知平陽府纔歷旬朔革去弊蠹及移京畿提點刑獄人皆牽衣泣送之靖康初平陽父老走闕下乞積仁爲守以中大夫直秘閣再領平陽望馬首而拜者合沓至寫像家祝之進直龍圖閣充秘閣修撰未幾以疾乞致仕起爲廣南東路轉運使卒于官初潮陽有健令楊耆年之獄累歲不辨逮至數百人積仁過潮一日而決及是

興化府莆田縣志

卷二十四

人物

十一仕

樞東下潮人爵哭之甚哀贈左光祿大夫

林成材字擇之興化縣人早入太學以文行名元祐六年進士擢國子博士歷祠部吏部員外轉國子司業學校之法多所建明歷知明濟汝三州卒

林之平字國衡華裔崇寧五年進士累遷監察御史建炎初隆祐太后南渡特詔臺官譏察州縣之平乞降睿旨存撫以彰主上慰安太后之意深契上心洎朝見太后乃撫恤軍民羣情感悅三年車駕南渡之平由海道徑赴行在上以長江守禦之

詢羣臣議者陳招募海舟爲不虞之備復詔之平
歷閩廣募六百餘艘由溫台赴行在適移蹕永嘉
海道支費無闕之平有力焉時朝議福建行鈔鹽
權酷法之平奏全閩不過數郡州縣藉鹽綱以爲
供億之費編民資麩蘖以爲伏臘之養詔悉罷之
召赴行在除右司員外郎時金兵侵浙右朝廷以
所募破賊推恩轉朝散大夫上以防秋軫慮欲選
朝臣出守永嘉執政薦之平忠力可倚除直龍圖
閣知溫州至則奉安諸殿神御戒嚴守禦尋以疾
興化府莆田縣志

卷二十四 人物

十三 仕

丐祠上念其功特授泉州卒于官贈左朝請大夫
李德昭字子晉崇寧五年進士知和州朝廷議選常
平官令赴闕親諭遣之諸路凡八人德昭提舉廣
東賜對稱旨除度支郎官建炎初再知建州叛將
苗傅劉正彥敗走入閩韓世忠追獲正彥而傅逸
德昭分兵守隘獲傅檻送京師時提刑林杞爭功
朝廷不能決僅論功轉朝奉郎德昭尋謝病
于北山築庵名待盡戒諸子毋得廕叙占仕版陳
俊卿列其事狀於朝而賞格竟不行後建人思之

祠于白鶴山

林正字明輔藻七世孫大觀四年恩賜釋褐歷廣西提刑先是陳感稔惡高雷間騷擾沿海諸郡正親至海上降之及奏功自使臣以下遷官有差正獨不肯受賞遂除廣東轉運副使移兩浙運判遷左司郎卒子一飛一鳴皆以父廕補官一鳴字聞卿累遷樞密檢詳諸司文字尋去職後梁克家當國起知南雄州未幾丁母憂服闋知惠州請發常平倉賑糶饑民又諭民墾荒田修陂塘去喪樂禁殺

興化府莆田縣志

卷二十四

人物

十三
仕

牛等事官滿之日惟有書數擔而已改知常德府卒初正既官其二子及致仕恩則以叔氏二子一枝一鶚皆白衣遂奏補人高其義孫灃字同叔一鳴子也為建州幕職以廉勤自持朱文公喜其操行書問往復相期甚厚知崇安縣清靜不擾士民為之立祠

李持正字季秉少與諸父宗師馳名太學號大小李宗師政和二年進士持正政和五年進士歷知德慶南劍潮陽三郡在南劍日適魔寇入境諸將督

捕甚急持正以愚民無知但戮其渠魁數人餘悉令歸業孫揆以祖廕於潛尉屬孝宗爲高皇舉慶典揆上頌神堯賦文詞竒古有旨宣付史館改知永春縣轉承議郎通判泰州未任卒

宋棐字材成政和五年進士知餘干邵武二縣紹興中入爲金部員外郎扈從幸建康時方用張浚韓世忠圖恢復棐請詔中外臣僚博訪勇力權略之士不時舉薦以備採擇從之因留總大軍錢糧調度兵食不擾而辦秦檜專政頗忌棐奉祠者再用

興化府莆田縣志

卷二十四

人物

十四 位

薦召爲太府少卿充金國迓送正旦使還錄其語以聞上嘉其有專對才遷太常少卿權禮部侍郎會朝廷謀帥以棐知紹興府兼浙東安撫使力祈去除敷文閣待制提舉江州太平興國宮以通議大夫致仕卒年七十八贈少師子煜歷知循賓惠三州皆有惠政終朝議大夫直徽猷閣曾孫詡以祖廕入官歷知程鄉歸善二縣遷通判汀州史彌遠當國罷歸端平初起通判贛州摧鋒軍士作亂帥臣曾治鳳棄城遁詡戮力備禦賊奔他境擢知

彬彬埒上國轉朝奉郎廣州通判海寇猖獗帥遣
鶴督捕鶴歛兵示以無事俄而掩襲擒三百餘人
官兵貪功請悉誅戮鶴審其脅從者二百餘人原
之逾年以疾卒于官

游輔重和元年進士歷知潮陽縣值梅州徭賊起朝
廷特除知梅州輔威名夙著比入境羣盜斂迹遁
去郡治肅然未滿以憂解官詔起復知象州卒

宋藻字去華斐從子與從父椿預計偕紹興初同試
禮部時號二宋尋進中興十君論高宗語執政云

興化府莆田縣志

卷二十四 人物

十六 仕

藻所進篇篇可採遂以布衣召見占對如響高宗
悅欲爵以京秩政府以上書不先白阻之注廬陵
尉登八年進士改邵武軍教授添差福建轉運司
幹官詣闕上書紙牒故相久乃補英州學官改江
南西路轉運司主管文字會金亮渝盟朝廷分遣
屯戍以藻充湖北京西招討司機宜與主帥指書
形勢金不敢復窺漢上乃悉引兵瞰瓜州藻又言
於主帥盡發戰艦以防江面及金殺亮還朝廷遣
五招討使分路追襲藻覘金班師有律恐我軍昧

利深入爲所掩乃馬上占奏上之高宗卽命班師
擢藻知江陰軍金兵旣退諸州疫癘盛行獨江陰
無恙父老守闕上書頌其治狀孝宗立除提舉浙
東常平茶鹽公事至則築梁湖廢堰剏三衢義倉
倉猶胥六百六十九人罷之永嘉有風濤之變藻
被旨賑恤發粟寬租捐竹木之稅以予民坐彈劾
溫州守臣爲權貴所擠力丐休致後除守漳州又
提舉江東皆不拜結廬囊山先塋之側讀書自娛
比沒告諸子曰余平生操履無負所學今老矣恨
興化府莆田縣志

卷二十四

人物

七
仕

易解未成耳年八十二卒贈大中大夫

歐陽直卿字溫叟詹裔少嗜學能屬辭以廸功郎調
劍浦縣簿張浚出鎮福州檄直卿決長樂縣滯囚
材之薦爲惠州軍事推官白郡守以河源餘菽麥
令輸送而海豐瘠土聽輸直歲率以爲常自清漳
以南山谷多剽掠守將尸居龍川卒有警而他郡
分屯者不卽下直卿數走龍川歷阻隘見將校慰
道勞苦自是多感慨爲之擊賊改知漳浦縣直卿
素有能聲所至號爲易治云弟清卿紹興二年進

士終建寧教授

許搏字公執建炎三年恩賜進士調泉州教授以叅政謝克家薦召對改秘書省正字累遷監察御史南渡後與籍文物十無一存歲當科舉以搏多所諳練特遷禮部員外郎搏辨決真僞士流肅清宣和間嘗以事忤秦檜至是檜得政丐祠以宣教郎終時同邑方擴字端立紹興二年進士歷知閩平陽二縣部使者上治狀有旨增秩特授臨安府判知岳州居官奉養如布衣時惟以周貧恤舊爲急

興化府莆田縣志

卷二十四

人物

七仕

林庭彥字朝美本路類試第一紹興二年進士調連江縣尉改永春當官俸餘不入私室屬草寇猖獗代者辭難凡四書考百里按堵民祠之

李次辰字拱之紹興十二年進士調漳溪尉嘗佐浙西憲幕有負鹽逋繫桐廬獄歲久瘐死幾半命次辰往決以非辜悉縱去守懼不聽次辰請獨任其咎衆相與祠之終南外睦宗院教授

王悅字習之紹興十二年進士性亮直孝宗卽位召見極論和議之非上喜謂好議論遂除官歷國子

監丞兼權吏部郎中
薛珩字景行興化縣人與弟珍聯鄉薦珩紹興十二年進士歷廣東湖北路檢法官疑鼎州鞠盜華五等非幸與憲臺爭不合欲投劾去未幾果獲真盜憲臺亦薦之凡四為法官平反百餘人珍字景徐乾道二年特奏名監廣州西南道場有鬻私鹽至六萬斤者吏捕以告法當得賞珍嘆曰刑數十人易一官吾不忍為遂諭吏以十之一聞官餘悉投

興化府莆田縣志

卷二十四

人物

十九

水中皆得輕坐終南恩州推官

林枏字子方孝澤子紹興二十一年進士召對首言持祿固寵之臣似無過而緩急無所用骨鯁戇直之臣似無用而大節不能及又言兵強財豐未足恃所恃者得人心得人心者修德而已翼日孝宗語宰執曰林枏儘忠實除秘書省正字與修中與會要遷校書郎求補外知信州陞辭論清議者忠臣節之所慕而權倖讒譖之所憚也奈何惡之

相心之所慕而權倖讒譖之所憚也奈何惡之

今內郡之守百里之宰皆用武臣則方面專制必將盡付其手何異唐之季世乎
旣至郡裁驕兵以法斥公帑代輸物力錢民德之提舉廣東常平茶鹽就爲轉運判官移使江西發漕司緡錢三萬六千助諸縣歲計瘞豫章疫死者浮匱三千爲塚六百九骨函五百餘窆士大夫不能自窆者三百匱會泉州缺守孝宗於班簿中求一風力之士補之遂以授旣累年積案剖決無留舉行荒政民賴以全活者甚衆除直秘閣福建路轉運判官仍兼領興化府莆田縣志

卷二十四

人物

二十仕

泉州光宗卽位召拜吏部郎中除江東轉運副使奏鑄廣德建平和買多取之額改知福州卒旣官雖不登禁從而持節分閩所至有聲剛方廉介濟以仁慈吏畏民懷爲當世所稱云
薛元鼎字叔雲興化縣人幼警敏鄭厚嘗見其文嘆曰此郎學根於道後來之俊也紹興三十年進士歷權戶部左曹郎官轉對進陳民事利害五劄上曰卿不惟留意職事議論亦自疏通遷秘書丞兼太子侍講是時光宗在東宮元鼎講解卦大象以

宗首肯之諭元鼎曰講解甚明深有開發淳熙二
年除提舉浙西路上諭元鼎曰以卿勸講東宮勞
甚特畀道山寓直之寵被旨相視太湖元鼎親御
舟沿江上下盡得江流曲折壅遏之狀奏開運河
五十四里爲公私之便役成轉朝奉郎元鼎曰吾
爲利民耳豈敢以勞希遷乎除戶部左曹郎官時
有長戶部者獻貢籍之說元鼎被旨往秀州欲以
一州歲計綜覈其贏縮以爲天下準議者謂此法
果行民受其病元鼎至秀州還以其所詳究本末

興化府莆田縣志

卷二十四

人物

三

仕

數奏曰但見郡縣窘束不見有餘上可之曰卿真
實才而物議亦愈重之除吏部尙書左郎官兼太
子左諭德而元鼎復求補外上曰卿何故求去元
鼎對以母老上曰朕方欲用卿母老必須有福由
是不敢言五年暫兼權給事中甫旬日母訃至上
聞之嘆惜遣中使傳 有薛某節哀自衛以俟他
日擢用之語元鼎奔喪歸將及境病平有講義并
詩文集藏於家子鸞有傳

方崧卿字季申儀六世孫隆興元年進士知上饒縣

通判明州秩滿知南安軍移知吉州罷米運力勝
錢歲萬餘緡減放諸邑月斛錢歲六萬八千緡除
廣西轉運判官改定鹽法奏罷歲解鄂靖錢十一
萬緡採訪鹽課利害編爲書十二條上之事未施
行徙京西轉運判官卒崧卿自治嚴接人和所得
祿賜半爲抄書之費家藏書四萬卷皆手自校讐
嘗校正韓昌黎文集又譜其經行次第爲韓詩編
年凡十五卷刻南安郡齋

丘徽之字夢錫先仙遊人祖奐屢建奇功除登聞鼓

興化府莆田縣志

卷二十四

人物

三仕

院因言事忤權臣出爲虞州刺史徽之乾道二年
進士授番禺尉嘗有監扶胥鎮者以權稅苛取爲
豪民訴于漕臺命徽之廉其事徽之謂武人舉事
動觸典憲理在可恐委曲具上漕使謂其屬曰丘
尉君子長者人也謂肇慶校官湯邦彥謫新昌曰
以啓遺徽之有高若子貢不受賞清哉鄭虔爲廣
文之句官至循陽通判以朝奉大夫奉祠慕壺蘭
山水之勝因入莆居焉

方芹之字子實後改名泳之元宗曾孫淳熙十四年

進士教授衡州改知南豐縣初至縣帑空乏而軍資督責甚急乃自詣郡求歸郡守降階挽留爲豁其半樽節浮費抑罷科敷人甚德之後知巴陵縣賦入尠少芹之摩撫甚至性廉介好學平生不肯俯仰於時時論多之

吳珏字仲玉興化縣人淳熙十四年特奏名尉南海縣以捕盜應格改知龍巖縣節浮費益學廩郡僚有建議增諸邑轉輸者力爭罷之會有詔造戰艦州下取材珏拒以非故例不獲免則高其直市之

興化府莆田縣志

卷二十四

人物

三仕

不以擾民簽書寧國軍節度判官有妾婦無子或以戶絕告將沒入其貲珏曰利毫末以絕人將墜之緒仁者不爲也請聽其立嗣通判漳州未行而終珏天性孝友勇於爲善官龍巖時奉兄以行事之彌謹鄉人造梁於林店溪珏曰是雖非吾往來所經然利已利人無間也助錢十萬行者德之

劉克遜字無競克莊弟以父彌正廕補官調古田令救荒捕盜著有勞績辟江西帥幹有奴告主窖鏹者克遜曰不可以訓累遷知邵武軍威愛並行除

劇盜興教化改知潮州初銀價平每丁賦錢五百後銀貴加至四倍下教蠲之曰縱得罪無恨移泉州以疾奉祠克遜一生清貧尤工於詩葉適趙汝談稱之第克剛爲泉州錄叅真德秀薦知沙縣後知惠州清儉治辦修弊起廢卒于官

宋鈞字茂洪藻孫紹熙四年進士調晉江尉捕益有方以能賞改授荆門軍簽判移知南海縣通判饒州召爲太府寺主簿尋知嚴州首疏乞蠲淳安經總制錢五千緡及他邑無名征歛累遷左曹郎官

興化府莆田縣志

卷二十四

人物

三十四

總領淮東軍馬錢糧寇入光州鈞上言金無能爲當下詔進討重賞以招降附清野以待饑勞又言別造防江輕艦數百艘上下采石瓜州間以備策應多見采納就遷司農少卿後以朝奉大夫直敷文閣再知泉州勅局講荒政斟酌便宜分等糶濟所活萬餘人又除海苔蠣房葵葉等稅捐俸代輸畸零之戶民畫像祀焉以父喪歸服闋直顯謨閣經略廣東進秘閣修撰會金授淮甸朝廷以鈞曉暢邊事趣還未行卒

王太冲字元遂晞亮曾孫嘉定元年進士歷湖北浙東提刑檢法官平恕不苛知吉水縣值兵饉按產敷耀官不抑價而巨室樂從以臺郡薦留任三考擢知梅州改大宗正丞輪對言陛下何不以太平責宰相以讜言責臺諫侍從以富强責主兵財者又言今君子屢招而不至得無有後漢魏仲英之嘆者乎除考功郎中以郎班對言括田權契遣使興利非便兼實錄院檢討官輪對言頃考太學秋試叅詳省闈論體貴精圓而今麤踈策體貴明整興化府莆田縣志

卷二十四

人物

三五仕

而今繁冗賦亦引語錄殆類方言宜有以變之理宗他日語大臣曰王太冲所論文體誠是以風聞罷奉祠除知汀州需次卒太冲性方而踈自少擅聲律多通古書有奏議等集凡數十卷

劉宸夙孫寶慶二年進士歷羅源令改古田明敏警悟吏不敢欺邑民懷其德祠祀之宸居官能以儒飾吏事而於厚風俗崇教化尤加之意故所至皆有治績云

卓先字進之少從林光朝游年十五拔鄉解以特科

調龍溪主簿遷建寧軍節度推官值歲旱松溪政
和建陽浦城四邑仰食下流客米府禁米舟出城
先爭曰四邑非建民耶知軍史彌堅以是稱之先
居官廉靖言論擬經是古與人寡合陳宓鄭煥傅
伯成咸器重焉

方之泰字嚴仲壬孫紹定五年進士歷英德教授課
試畧如中州士習一變方大琮爲閩漕辟幕府與
洪天錫徐明叔號三賢幕遷知長溪縣以邑前輩
楊楫楊復及師儒黃幹金祠焉汰庠序冗職增第

興化府莆田縣志

卷二十四

人物

三十一

子員民間愬米價重取例錢盡蠲之終袁州通判
李丑父字良翁父宗之通判邵武軍以文名諸史百
家口答疑問人目爲書櫥丑父端平二年進士調
邵武司戶叅軍鄭清之當國遷沂王府教授以臺
疏罷添差淮浙發運司幹官通判福州丑父嘗攝
福州教授士聞其來皆喜移建寧府除太學博士
遷諸王宮教授丁大全當軸丑父忤其意遂罷予
祠俄以太府丞召遷著作郎權禮部郎官踰月班
對草兩疏首言苛征成晚黷貨聽讒四事次言

侈二習皆切時弊請外提舉湖南常平義倉務存
繼絕戶桂陽有王媪者金禍時入口爲豪翼所殺
丑父直其寃西全寶慶兩守貪虐方擬疏論事露
爲臺劾罷界祠卒丑父溫良和易胸次洒然所得
祿賜僅自給而銖積其餘爲義廩與弟姪共詩文
溫潤清新有集藏於家

丁南一字宋傑伯杞子少爲叔伯桂所奇平生頓挫
場屋寶祐元年年五十七始登進士第二人調懷
安尉公族有僂居以婦墜胎告屋主者南一辨胎

興化府莆田縣志

卷二十四

人物

二十七 仕

以藥墜坐誣民有負逋自經者子訟債主南一曰
汝父縊歿矣誰斷其舌搜其家得舌於圃民有溺
歿者父訟主家南一曰兩手有泥沙自溺也人皆
服之改東筦監稅帥使謝子強曰此非所以免儒
者欲處以他職力辭子強薦之于朝復以忤外臺
劾罷貧不能出嶺嶠南士人率子弟行束修師事
之漕使鄭協辟爲廉泉書院山長洪天錫至檄攝
海陽州學教授兼文公元公兩書院山長潮士方
喜得師而南一以悼亾歸矣

季良字傅叟興化縣人珩曾孫以祖蔭補官調
州左司理番禺民愬女爲催主所戕獄具府檄季
良審鞫季良密使人廉之得女於舊主家摧鋒軍
叛叩城帥臣曾治鳳逃崔與之委季良招諭事平
以勞績免磨勘召赴都堂審察輪對乞修實德實
政以回天意除登聞檢鼓院奏言檢院乃肺石路
鼓遺意今民庶以爲嘗試州縣視爲具文臣謂凡
進狀宜索案予決虛者反坐詔從之遷司農寺丞
丐外知潮州慨郡計窘乏專以廉儉節縮爲事鹽
興化府莆田縣志

卷二十四

人物

三六 仕

使疑潮鹽有遺利欲增筴季良抗論寢其議嘗自
扁其居曰廉村所著有千林謾稿

元林以順字子木以辨弟至治辛酉進士歷慶元縣
尹縣有弟殺兄陰以賂免以順發其獄誅之移浦
江縣平反死獄新作夫子廟秩滿改台州路推官
總管焦鼎建招安海寇之議以順阻之慮以姑息
亂天下後果如其言陞江西儒學提舉改知福清
州時元政不綱豪強橫起海港中劫殺尤多以順
漸收除之尋除同知福州路總管府事數月致仕

明林圭字信玉洪武初舉明經爲莆田訓導陞寧國教諭勤於訓迪及去諸生塑像祀之居儒官三十餘年前後六爲考試官永樂間應召修大典以老請賜冠帶致仕圭治經有師法工古文詞達官至莆者必禮其廬鄉後進多問業焉年九十四卒孫宗越皆舉進薦宗蘄州學正揚州教授有師道蘄人祀之於學宗孫俊有傳餘見選舉志

方樸字時舉次彭裔通詩書春秋元至正末以隱逸薦不起授北溪書院山長泉州路教授俱不赴與

興化府莆田縣志

卷二十四

人物

三九仕

其友郭完宋貴誠輩作壺山文會以進修爲事洪武初舉興化府訓導勵志淑人師範甚端先賢蔡忠惠林文節劉文定墓久圯皆陳於上官葺完之郡丞李景齊素敬禮樸民有怨丞者誣訟于憲司謂連及樸旣白遣歸矣御史疑其獄有賍復逮之樸不能再辱乃辭孔廟先祠夜沉于井人咸惜焉陳賢字廷傑觀弟洪武末舉儒士爲興化府訓導秩滿遷南康教諭永樂中召入館閣預修大典改任湖口致仕賢爲人嚴毅方直安貧好古其學以躬

行爲先及門弟子成就者衆湖人塑像祠之楊文
貞士奇爲墓表稱其士行可質於神明蓋實錄云
子淮有傳

鄭雲字行從伯玉裔洪武戊辰進士授監察御史陞
湖廣僉事改山西以事左遷兗州府同知復陞廣
東右叅議爲人廉慎仁恕詩詞文采亦有過人者
年未五十卒

林和字致雍洪從弟建文己卯鄉薦授博羅知縣爲
政寬恕不尙鞭朴增修武村堤以防水患民受其

興化府莆田縣志

卷二十四

人物

三十一

利終戶部山西司郎中

林岳字魯瞻藻裔建文己卯鄉薦授蘇州訓導秩滿
諸生詣闕乞留又九載陞程鄉教諭改仁化移疾
歸岳爲人簡淡自得遇良辰美景攜賓朋共吟賞
家無甌石之儲不計也弟子業成或以金帛爲束
修亦不受曰我職然耳詩文敏捷兼精書法冢宰
魏驥與岳同職教交遊三十年每多其有益云以
子祥鳳贈監察御史祥鳳自有傳

黃謙字益甫永樂甲申進士授魯府伴讀朝夕勸誦

因事納忠恐其好獵則有諫獵之書見其作字則
誦筆諫之言嘗曰使吾王無愧於東平河間則謙
亦可以無忝於董賈矣詩文平妥尤工書與林教
諭岳鉅爲士林所重云所著有願學齋稿

曾景修名生以字行爲學貴實踐而不事浮華永樂
乙酉應貢授玉山教諭秩滿陞德安教授與諸生
處情同家人答問講解終日不倦故出其門者才
質高下各有成就宣德丙午聘典浙江試卒葬德
安所著有大學中庸詳說

興化府莆田縣志

卷二十四

人物

三仕

林時字學敏深之裔永樂乙未進士除陝西僉事巡
歷邊荒平反疑獄甚多寧夏其涼地寒少布歲發
鳳翔延安等府粟以餉卒時奏聽民與戍卒自相
對輸大布一端抵粟一斛中布三端抵粟二斛至
今便之又奏設武學令軍中子弟得由科目進用
於是禮部推行天下皆設衛學秩滿陞貴州副使
甫進士釋褐爲方面者時與余文林坦三人文由
山西僉事轉知常州府坦由湖廣僉事陞貴州按
察使然風概皆不及時第祥敏道州訓導子純內

江蘇論經續增州訓導

余譽字叔炫永樂乙未進士授進賢知縣爲人勤敏廉介力正上官和買之弊秩滿行李蕭然民思之爲立德政碑考最待次以母老告歸宣德十年少師楊士奇薦之授吉安通判掌太和縣事事無巨細斷之以公雖貴勢不可奪人目爲沉水缸母喪解任服闋改饒州通判卒

方鯉字廷訓大琮裔永樂戊戌進士授南京監察御史性資剛果遇事必爲號材御史遷知彰德府丁

興化府莆田縣志

卷二十四

人物

三仕

內艱服闋改紹興府前後皆大郡鯉以嚴明漚之吏畏民愛久之致仕卒

王偉字士俊永樂戊戌進士授大理評事陞雲南府知府嘗遇歲旱禱雨有應兵部尙書王驥征麓川道經其郡美以詩曰三旬亢旱黎民悴一雨滂沱太守功鎮守雲南都督沐昂尤重其爲人及卒民哀慕之偉邃經學工文辭宣德正統間莆先輩在翰林者俱已凋謝惟偉與會元陳中爲文章宿老後進法焉

鄭述字季述少貧力學永樂辛丑進士授刑部主事
宣德中以公事調惠州通判爲政端平民不敢犯
擢知南雄府以權鹽餘息代民催役及襍需民甚
便之重新郡縣廟學每五日輒一戾學宮視諸生
所業士風一變郡舊有凌陂溉田五十餘頃久廢
述重加修築民蒙其利郡自張九齡奏開庾嶺植
松數十餘里多有摧枯述補植之人懷遺愛比之
棠陰云

黃譽字廷永少有志操剛果自立正統甲子鄉試第

興化府莆田縣志

卷二十四

人物

三仕

一戊辰進士授南京監察御史遷浙江僉事所至
摧奸去暴號括地黃喻除草盡絕也材高氣烈人
敬憚之景泰改元遷浙江僉事時有內官陳姓者
至寧波市舶縱其義兒爲暴莫敢誰何聞譽至皆
來赴訴譽立斃杖下尋擢本省叅政改湖廣卒三
子穆秀秩皆舉鄉薦穆進士官編修爲人侃侃有
父風一門科第甚盛載選舉志

黃黻字聲叔兄鼐正統丙辰進士爲戶部主事黻以
明經薦授仙遊訓導惇義篤教知縣王彝嘗以百

金寄諤人莫之知也彝病歿呼其子授之世及
元教諭廣元爲蜀北鄙學政久廢諤以義倡其人
士相與修學舍建文廟每日衣冠坐堂上授諸生
以詩書背誦覆講皆如法諸生貧無資者則解衣
推食以周之廣元人樂從其教及去立祠肖像祀
焉孫顥弘治庚戌進士授戶部主事戚畹有請拓
其賜第者費甚鉅顥疏止其役不報尋知肇慶府
決獄詳明令行禁止鎮守太監索濠塘蕉布銀力
革之民感其德陞廣東叅政顥爲人有志識篤於
興化府莆田縣志

卷二十四 人物

三十四 仕

倫紀居官所至以治辦稱云

林智字若濬蘓裔正統甲子鄉薦授宜興訓導每日
坐齋中課諸生至夜乃息遷銅梁教諭以憂去比
起復適宜興教諭缺員前諸生德其教者又相與
請智補之南畿提學御史陳選薦智自代吏部格
於例擬注縣令智力辭少宰葉盛高其行特陞蘇
州府學教授滿九載諸生詣巡撫懇畱再任而智
請老歸矣智司教幾三十年作人爲多若大學士
徐溥王鏊其尤顯者子季瓊弘治己丑進士監察

御史餘見選舉志

循初字子初正統丁卯鄉薦授餘杭訓導嚴立條約以身先之雖祁寒暑雨必衣冠端坐為諸生講解無怠容會英宗詔吏部選教職中學問老成動止可法者一人為駙馬周景府學錄吏部舉循初應詔人有以莊田獻景者重賂循初為通循初峻拒之且戒景毋輕聽其後果有貴近請是莊而獲譴者景由是益敬重之秩滿遷南京國子博士尋陞魯府右長史啓王肅宮闈以清內治頗忤王意

興化府莆田縣志

卷二十四

人物

三五 仕

未幾外艱歸王竟坐是事得罪悔不用循初言及起復王特奏乞還循初舊任而循初已拜秦府右長史矣居五載以老乞歸進中順大夫致仕循初孝友簡靜家居十六年讀書著文足跡不至公府士論重之子嘉祐鄉貢知縣

嚴洙字宗源景泰甲戌進士改庶吉士同修寰宇志拜御史督學南畿嚴考校絕請托權門要路謗憾雖多弗卹也陞浙江副使仍理南畿學政以不便

竹守

湖廣學政

使

湖廣右布

政暨轉左命下而淫卒矣淫性狷毅涖官守法與人不苟合先輩曾景修教授德安父子繼歿僅一孫隨母流落淫物色得之資其歸以奉曾祀

吳繹思字思周祭後天順丁丑進士授德興知縣凡賦稅差科聽訟一處之以公政暇輒戾學宮集諸生親爲課督歷端州同知惠州知府屬邑有巨蠹以法繩之內艱起復補潮州適海寇竊發繹思殲其渠魁以捷聞滿考陞浙江叅政尋轉右布政使卒繹思丰神秀整處心樂易於宗族親舊情誼最篤早以經學名及門多所造就云

興化府莆田縣志

卷二十四

人物

三六仕

楊琅字朝重天順己卯鄉試第一甲申進士拜監察御史憲宗登極詔各處鎮守內臣俱停罷不復設民情大悅成化元年傳言有內侍貢獻希復差鎮守者琅卽上章反覆言內臣不可預政倖門不可輕啓疏畱中不出然鎮守亦不復差矣大司馬王竑素負重望引疾家居琅上言宜起用以獎恬退給事中王徽等以直言斥邊方修撰羅倫以正論補外職琅亦上疏乞畱俱不報其他所論列尤多

時號敢言御史二年差清軍江西復

寬簡行事不吹毛索瘢以沽名擢山

提督

學校斟酌教條寬嚴適中而一以至公行之至東
阿病作自起更衣冠端坐卒於舟中琅居家孝友
淮官端介人無間言云

林永齡名齡以字行旣裔天順戊寅選升國學授翁
源教諭興學造士嚴立課程會英德缺令以永齡
攝之先是嶺南盜起列郡俱被荼毒而英德爲甚
永齡至招徠散亾蠲貸征賦又募義民築城垣徙

興化府莆田縣志

卷二十四

人物

三十七 仕

廟學於城內暇則集生徒講學以疾卒父老哀之
林大猷字士道仕敏曾孫天順己卯鄉薦授新建教
諭勤於啓迪待諸生有恩遷國子學錄進監丞盡
剔宿弊申舊規而與諸生講學益勤諸生貧者授
衣病者給藥死者躬詣哭殮或屬其鄉人爲護喪
歸或捐俸買地京師葬之久之力弗能給又以疏
告于好義君子俾出貲助焉滿九載陞翰林檢討
仍掌監丞事卒于官大猷志行端謹學問該博將
與後進卒之日六館諸生成哀悼之子夔弘治

戊進士同時太學有助教林祥學正陳璫皆以學
行稱祥字世祥由鄉薦爲博羅教諭遷饒州教授
誠心育物旣滿考諸生立去思碑淮王爲製文刻
之比入太學與館下士講解不倦會淮府缺長史
王奏乞祥補之未幾王薨世子幼祥盡心匡輔以
年勞陞四品服告老歸璫字子佩成化丁酉鄉薦
爲威縣教諭改高陽以身先諸生每晨升堂授書
作課午後講書夜讀盡二鼓乃休諸生始苦而終
化之父憂歸服闋二邑人士爭欲得璫終其教大
興化府莆田縣志

卷二十四

人物

三
仕

宰王恕賢之特遷國子學正從學者戶屢常滿名
重六館璫立志高古於義利之界甚嚴師儒中求
如璫輩蓋絕少云

陳鉞字廷威中姪孫天順甲申歲貢授麻城教諭師
道嚴正作人爲多每嘆近時郡縣多拘文法無前
輩風韻乃勸縣大夫倣文潞公在洛

建耆英

堂遇節假日延致縣中諸老爲會以

又考

求前輩德行文章政事可師者二十

各爲

之傳使學者有所取法滿考遷璫

備

一如麻城未幾以疾卒鉞於舉業外汎濫諱於書
積蓄淳澹而性行孤潔一言一動不苟士林尤推
重之

林正字克全成化丙戌進士授監察御史勤敏有風
力嘗巡視山東直抵儀真河道直鑄濬湮令兩涯
植柳以固堤岸往來舟楫便之又造橋一十二所
事竣按蘇松常鎮四郡繩違雪枉持法甚嚴丹陽
蔡知縣者有與援正按其不法事奪職復按廣東
豪黠吏聞風斂迹忽遘疾卒於行臺年四十一

興化府莆田縣志

卷二十四

人物

三九 仕

黃璉字汝器成化丙戌進士授南戶科給事中丁外
艱服闋改南禮科滿九載陞浙江右叅議巡視溫
處銀場弘治五年詔罷採凡官爲是設者俱調別
用璉改雲南尋轉貴州叅政其地夸獠襍居鎮以
簡靜撫按交章以操履端方政事修舉薦擢本司
右布政尋轉左屬曾安夸叛遣大臣率兵征勦委
璉督餉璉處置有方軍興無乏賊平方論功而璉
以疾卒璉性度寬弘在浙時與巡按御史張六左

叙考有貶辭後璉在貴州文以事請去

畧不介意且屬其才識者多之所
土田歲常等旱地乃
巖沁數里引木蘭延壽
腴鄉人德焉居官三十餘年自奉儉約外之日系
無餘貲

方珪字純潔成化己丑進士改庶吉士授御史嘗按
蘇松常鎮及兩浙鹽課時有錢學士之子鬻販私
鹽巡撫都御史檄蘇州府為之給民倍收其直事
覺珪置于法因劾其父貪利蠹法都御史附勢剥

興化府莆田縣志

卷二十四

人物

四十一

民知府朋姦不職自是元豪宿猾斂迹避去復按
真定諸郡擊貪剗弊無敢干以私者卒年三十二
鄭光與字以祿成化庚子鄉薦歷天台知縣為政公
廉勤慎未嘗妄費一錢妄役一夫聽訟明決無徧
徇公稅徵之有節徭役較產厚薄以為輕重吏不
得售其奸導民以孝弟為先遭讒謗去老稚攀
遮道相率立石以紀德政

陳世顯成化庚子鄉薦授青田知縣清慎
御史覈錢糧數缺以問世顯對曰
作科改批

怒誣以他事繫獄老稚相率至御史所白世顯撫
字之恩得釋復任五年致仕單舟一僕宦篋蕭然
陳仁字子居少通經史以博洽名成化癸卯鄉試第
一丁未進士授戶部主事歷郎中在部久明習條
格大司農韓文尤倚任之屬陝西邊餉急因奏調
仁爲陝西司郎中未幾逆瑾擅政深忌文因摘其
屬官細過仁坐降禹州同知轉汝州知州遷南兵
部員外郎掌武學事瑾誅擢浙江提學副使按試
不以胥吏從手自披閱去取惟公士論大服轉本
興化府莆田縣志

卷二十四

人物

聖仕

省叅政以疾乞休吏部奏言仁久歷中外學行有
聞詔進本司右布政使致仕命未下卒仁質重沉
敏議論向正嘗疏止給事中林廷玉外謫追復御
史彭程官言多剴切晚年造詣益深文章奧美有
機軸時譽歸之

林有祿字以賢弘治壬子與從弟有年同鄉薦官安
慶同知值宸濠反率舟師數十萬窺南京先攻安
慶知府張文錦股栗失措匿妻子深山中有祿時
公事在外聞變馳入令毋輕動以搖民心乃佐調

兵食畫地守皖公門身先士卒不解甲者十八晝
夜濠卒戰敗就縛於王守仁事定論功文錦因之
超擢而有祿僅轉貳准運時論舛然後歷瓊州知
府歸

郭湍字順夫義重裔正德丁卯鄉薦再歲以乙榜請
爲靈山教諭設科條勤訓育其教以敦本迪倫爲
先會邑乏令撫按檄署其事湍上書謝不赴兩臺
高之擢直隸太平教授諸所規條一如靈山而及
門士相繼登科第者益衆已卯聘主陝西試取大
興化府莆田縣志

卷二十四

人物

聖仕

宗伯王用賓而下若而人久之擢廣西太平通判
會思田軍興制府廉其賢檄司餽餉以勞瘁卒于
官至今父老尸祝之而靈山姑熟亦僉祀名宦以
子應聘貴累贈南京兵部尙書

高通字于亨正德庚午鄉薦授德安教諭善經術與
生徒晨夕講解卽旁邑人士亦爭來捭趨部使者
交薦之轉瀟山知縣會兵興甫定通持政寬平殫
心綏集卒于官安慶守胡纘宗憐通貧厚贖以佐
其歸

林繼賢字宗器正德庚午鄉薦初任徽州通判時同
邑鄭玉爲知府操尚不同然因心任職兩人甚相
得也繼賢言不出口身不勝衣而砥礪名檢每欲
希蹤古人徽故東南貨府又多訟務納賄求勝繼
賢守法訟無大小必以情聽民威信其不可私干
部內都御史汪鋹子弟怙勢干請繼賢一斷以法
茲銜之已遷寧波同知會守入覲繼賢署篆夙興
視事決獄立斷無弗當情不攜妻孥祇一蒼頭給
役敝袍布被食麤啖蔬宦譽歛然而汪進冢宰竟
考繼賢目疾罷旣歸而貧怡然無悔

興化府莆田縣志

卷二十四

人物

三仕

林潭字世崇洪曾孫正德庚午鄉薦授繁昌教諭改
新會轉南雄教授貴義賤利以教化爲己任督學
歐陽鐸特移檄褒之擢程鄉知縣屬兵興甫罷潭
數褰帷問疾苦尋以從子富巡撫兩廣引嫌改太
和時旁邑蝗災爭設壇禳之至有用巫詛爲厭勝
計吏以爲請潭曰吾禳厭之術非藉此也乃痛自
引咎輕徭弛禁蝗竟不入境旁邑爲之驚異卒于
官潭雅好經術修詞不尚浮華所著有西麓遺稿

以子雲同貴歷贈南京都察院右都御史孫諧萬曆辛卯應天鄉薦擬萬曆辛丑進士曾孫璣萬曆丙戌進士璫刑部主事玄孫士鼎萬曆壬子鄉薦鄭玉字于成露裔正德辛未進士初授戶部主事奉簡書往江西湖廣灌輸國賦竣役轉郎中出爲徽州知府徽多豪喜訟郡大夫稍持曲直不卽下輒私入累百金金不行卽裝之白下懇有力者爲關說先後二千石率以此坐污鱗去玉熟知其狀民有爭訟以情理風諭之令自解或以貲斬勝及求

興化府莆田縣志

卷二十四

人物

四十四
仕

尺牘爲干請者輒彈治不少貸於是故習爲少變擢江西副使與安仁桂萼不相得遂自免家居從子敬道弘治甲子與玉同舉于鄉歷河源知縣有政績敬道子茂嘉靖癸丑進士歷都給事中廣西按察使省中諸奏疏頗通達國體前令海鹽有全城功海鹽人至今思之

鄭洛書字啓範正德丁丑進士授上海知縣多惠政召入爲河南南道御史立臺餘二年而章凡四十七上李福達妖賊獄起上以三臺論報不實欲坐端

門臨問于時大司寇以下凡有事斯獄者並械繫以聽洛書復上疏力爭之云主逸臣勞天道也禮刑不上大夫今陛下操獨斷之威法行貴近如此則張釋之不得持罰金棄古罪抗辯於文帝前而田蚡灌將軍事當時又何必令東朝襍問之宜下公卿博議毋效撞郎損威爲也疏入上謂洛書數喜生事今復以狂言蔽主尊臣大不敬內閣楊一清爲長跪叩首請得赦罪久之以學行推爲南直隸督學使者以父憂歸服闋補浙江道兼縮江西

興化府莆田縣志

卷三十四

人物

聖仕

廣西諸道事洛書頗傲睨臺中意不可一世側目者相與傾之會京察畢有科道互糾新例給事中饒秀失職怨望疑洛書中之乃撫他狀誹奏因之罷免洛書歸道吳門上海士庶走迓者數百人再歲病卒吳人復具賻誌詞赴吊者又數百人卒後三十年郡城陷洛書子開往依上海上海士庶相與環泣曰此故孫叔敖兒也乃倡義醵金置田百畝在故邑所令間歲一至收入以奉蒸嘗

林汝永字君修洪武孫嘉靖壬午鄉薦授南樂教諭

戊子典試浙江得相國呂本等若干人以學行擢
國子博士侍經筵賜品服改南戶部主事歷郎中
榷稅淮關清介自持稅銀日發山陽貯庫按季彙
解漕運御史周金每稱程比部秀民敏決林板閘
汝永有守陳都水堯博學爲三君子出爲思恩知
府值猺獞盧順蘇閩等構叛汝永設計擒之夸民
讐服總制張經御史陳宗夔上其事賜帑金三十
兩丁內艱服闋補黎平陞長蘆運使奏減拖負鹽
課十餘萬灶人德焉致政歸與諸大老結八老會

興化府莆田縣志

卷二十四

人物

吳仕

賦詩杜門屏迹年八十卒以子廷陞貴進階嘉議
大夫廷陞字彥賓萬曆庚辰進士授行人陞戶部
主事督餉小灘親歷水次以驗糧儲宿蠹爲之一
清歷員外郎中出爲雷州知府雷僻在海甌民貧
盜藪甫下車卽擒巨寇鄭紹隆等數十人賊黨解
散颶風壞海岬田禾淹沒廷陞請帑金五千兩築
長堤二千丈溉田萬餘頃雷人塑像祀之陞廣西
副使備兵昭江適岑溪猺亂督府檄攝蒼梧至則
調度兵食畫策督戰斬獲千餘級捷聞賜白金文

綺晉三品俸未幾昭江徭復叛廷陞昇暑視師勞瘁積病因解組歸卒年七十七孫鏞曾孫嶧自有傳

林應標字君儀嘉靖癸未進士授禮部主客司主事會夸人進玉郎中陳九川驗入旋失之事覺赴詔獄郎中謾抵云是日爲林主事直署期司隸詰之再應標佯不省坐誣服杖繫人問之曰幸得爲同舍郎情親遇小利害輒抗辯是市交也奈夸人笑何久之進玉者復至司隸出二人令譯者通其意

興化府莆田縣志

卷二十四

人物

四七 仕

夸熟視應標數搖首見九川撫掌領之誣始得白於是朝士咸稱應標長者而不直九川出爲江西僉事累陞廣東按察使有取夸舟覆漂物者爲怨家所中置重刑先後廉訪使視爲已成事不復再鞫應標廉其狀出之轉江西右布政尋轉左時嚴嵩已柄國江西歲出籍錢數十萬市上方物輸之少府故事率聽嵩子瑒及駟僧之徒司之應標至高媿表應樞復以爲請堅持不予又藏中無名錢先是諸左使輒括之爲問遺嵩具應標誠慎封識

于權門無私覲坐是調山西時晉府以子錢贊
諸王子祿諸王子至不能厭糠覈應標每散祿必
召諸王子至庭以次授之晉府積空券無所貯憤
乃撫他事誣訟闕下嵩受晉邸金猶以前銜未已
遂可其奏應標嘆曰吾獨不念為主客時尙能激
昂置不辯事乎遂趣裝歸卒于家子燦章熒章先
後登進士燦章未官卒熒章字繼暉嘉靖庚戌進
士工部虞衡主事遷營繕員外父憂釋服除刑部
晉郎中慮囚兩浙復丁母憂已補秩出爲貴州副

興化府莆田縣志

卷二十四 人物

吳仕

使備兵威清時法令久弛十七司土酋常構兵逋
賦熒章至約身率下諸酋漸受要束而租亦寢復
嘗以平邛水逆苗討白泥司叛酋功兩拜帑金之
賜魯安州判胡士功以墨敗下熒章按治趙中丞
以姻好故爲之周旋不聽坐是失中丞指疏論之
時方有東藩之命以候勘輟行迨直指蔡廷臣按
部疏白熒章無它尋起補雲南左叅政擢貴州按
察使牙州之役當事者急首功熒章乃悉召諸護
軍爲稱引古名將事誠毋妄殺賊平賞資甚渥

復上妃白馬夏蓋三湖卽以湖歲入魚蝦錢倡築
上虞城後十五年倭寇浙東獨上虞以有城免鋒
鏑民追慕祀焉由上虞召入爲監察御史持節視
居庸等關疏修外堡防間道並上三邊圖序詔行
之時嚴嵩及子世蕃結寵近侍芸與御史陳策伊
敏生並疏劾嵩上怒奪三人俸一秩示薄譴已奉
命按山東事竣復按南粵取道省覲卒于家策後
繼視粵嵩果授指銓司出策守台州尋褫職歸策
與芸同邑同年伊敏生吳郡人後亦被嵩擠孤憤

死

陳叙字邦禮道潛裔嘉靖戊戌進士初授兵部主事
歷車駕司郎中出守潮州歸其在車駕也會潮人
翁萬達爲大司馬車駕主驛置符檄時禁網稍寬
乘傳者率盜姓字贗簡書叙謹持不予諸不得續
食縣官者譁言非便萬達獨噤叙持重練習分虎
潮州實萬達欲爲郡得人請之冢宰云子志有傳
俞維屏字樹德祖應辰字仲尊正德甲戌進士授繁
昌知縣多惠政祀名宦召職方主事歷員外郎中

轉廉州石阡知府兩任黃堂蕭然四壁稀年維屏
成進士維屏年十九領嘉靖甲午鄉薦戊戌進士
授刑部主事時嚴嵩當國托人道意欲羅致附已
維屏絕不與通有所囑堅持不可立剖其冤忤意
謫官嵩敗起補主事遷員外郎中外轉嘉湖僉事
河南叅議築長堤障河民今永賴宗室侵奪民田
民無控訴維屏嘆曰窮通有命吾豈可惜一官畏
其側目而使民隱不上聞乎即具白兩臺力陳其
事遂奏請還民遷廣東憲副值峒寇反攻陷州郡

興化府莆田縣志

卷二十四

人物

五仕

維屏會師合勦絕其糧道斬首九百餘級賊大困
願撫維屏開誠單騎按其營壘賊黨悅服解散峒
寇遂平詔賜金帛內侍王守忠捕翡翠海濱大肆
民害維屏一繩以法忠怒誣奏落職父老攀哭祀
名宦後事白遷貴州左叅政下內艱闋起陞貴州
右布政使赴任卒于長沙維屏性清介嚴明與剔
利弊奸胥豪猾望風屏息子近華見選舉志

林炳章字名世希範孫嘉靖丙午鄉薦授程鄉教諭
日與諸生講德述藝士皆奮興自鄰邑來質經者

甚衆部使者孫永思舉文學行誼高等徵入爲國子學正壬戌授大理寺左評事朝夕聽慮明國章憲時棘下質成者咸願就左寺以其多所平反也三載奏績晉本寺正未幾出判宿州轉湖廣衡州時督稅使者接軫于道或謂公催科宜急炳章曰業故拙寧能浚民膏以避搏擊耶攝桂陽篆捐俸置學田四十餘畝時稱異數尋擢長沙同知以久役于外遂投簪去家居日事著述所鐫寵榮堂稿十卷莆舊苦夫保之役炳章移書郡守易道談力

興化府莆田縣志

卷二十四

人物

五十一

革其弊莆人至今德焉書具載志中卒年六十五曾孫誠進士玄孫檀鄉薦推官並見選舉志

翁夢鯉字希登嘉靖庚戌進士授金華知縣擢戶部主事權濟墅關時倭夸蹂躪吳會商旅往來益稀請蠲歲額不從時論躓之事竣轉餉之邊以過家踰限謫倅潮州潮方中倭而守適缺夢鯉至則攝其事鮑浦南灣三河之戰皆身先士卒前後斬馘七百有奇蹈水死者以千計倭旋遁而廣寇張璉等乘間竊發執縣令欲甘心焉夢鯉指授方畧或

擒或散竟昇令以歸久之移守開州比行復解程鄉之圍而去入開未幾惠潮之倭踵至乃移夢鯉丞惠州又攝潮州與總兵俞大猷會勦于可塘與叅將湯克寬王詔夾擊于九龍山擒斬皆無算會興寧柘林間嘯聚甚衆吳平林道乾兩巨盜出沒海島中勢仍棘南贛撫臣疏請自嶺以東特設海防僉事以夢鯉爲之於是平河源服五峒大星港擔竿洲所在奏捷威名大震而夢鯉以軍旅勞瘁竟殞于官粵人惜焉所著有謫居稿戶部稿拙菴

興化府莆田縣志

卷二十四 人物

五 仕

管見

林大黼字朝介智曾孫嘉靖壬子鄉薦授浙川知縣丁外艱補河源會邑大水民饑請府發粟四百石賑之又修復古城以扞水患民甚賴焉以最擢上元上元京邑號爲難治大黼至則循阡陌均徭役省刑剗苛惟休養生息是務百姓尸祝之進南都察院經歷轉戶曹郎出守銅仁綏以慈惠民夸按堵有當道私憾一土司欲窮治禡其廕大黼曰吾平生不能殺人媚人况殄人丘食乎力爭不可遂

拂衣歸年七十餘卒大黼天性孝友與二弟分其
絕少有姜孔風族人以貧故鬻其子女者爲捐貲
贖歸畢其婚嫁子咨益萬曆己未進士刑部主事
姪震元萬曆己酉鄉薦信豐知縣除邑弊政以甦
民困民立祠祀之

林澄源字仲清嘉靖己未進士授戶部主事遷員外
郎中出爲貴州叅議屬水西安酋亂當事者方議
用兵而澄源以蠻夸叛服靡常勦孰與撫便已而
兵出殺傷過當卒用其言撫之事遂定逾年晉按

興化府莆田縣志

卷二十四

人物

三仕

察副使備兵威清卽用前所撫會授以方畧寇發
輒誘禽之滇黔宴然晉叅政鎮威清如故鄒進士
元標以論劾江陵戍羅施道由境上澄源與盤桓
彌日人或危之澄源曰昔徐晦越鄉而別臨賀后
山出境而見子瞻彼何人哉吾分已定卽緣此得
罪吾固安之因名其庵曰定庵後以廣西按察使
覲畢轉四川右布政乞終養歸歸後言者復摘其
馳傳事中之則猶江陵之爲也居家孝友恬靜部
使者交章論薦竟不起著有悟往吟及經傳講義

游日章字學綱嘉靖己未進士授臨川知縣政尙寬厚獨於豪右不少假有巨猾帥姓者武斷鄉曲下車卽捕之邑中稱快辛酉八月流寇入臨川時日章方從事塲屋中得報卽馳至啓關納逋金晝守禦策賊遁去在臨五載潔已惠民擢刑部主事主奏讞晉員外郎中丁母憂萬曆改元補舊任旋陞廉州知府廉俗婚姻以檳榔爲定無聘書中有悔者乃教之悉依古禮俗自此一變泄任歲餘卒日章生平無他好所至必挾書自隨博覽羣籍究極興化府莆田縣志

卷二十四

人物

蕭仕

旨歸下至稗官小說靡不總貫條析所著有學庸釋義洪範釋義三餘集百餘卷子伯槐進士見選舉志

吳一奇字偉卿嘉靖辛酉鄉薦授河源知縣時五峒初平藍能之寇猶肆劫掠一奇政尙簡靜多方節縮以撫瘡痍防寇警又置學田四十畝于河下以濟貧生絕無粉飾逢迎之意爲上官所不滿論劾改教父老子弟三百餘人赴臺司哭畱巡按悔曰吳令得民至是耶吾據監司署考遂有此論致失

賢令吾過也監司曰不獲乎上民不可得而治若等未聞耶歸善縣門外一堆土何足有無吳令此類也時歸善彭令亦以失上官意獲罪百姓爲立生祠于縣門之右故監司指斥之士民莫可誰何號泣而去

林大經字世典隆慶丁卯鄉薦授揭陽教諭視邑篆多善政未幾擢知彭縣會揭令以艱去戎事方殷揭父老上書監司部使者請大經且留治揭當道素重其才遂疏請以揭易彭得報可時海寇林道

興化府莆田縣志

卷二十四

人物

五十五 仕

權等勢猖獗甚大經繕甲增堡賊不敢跡其境藍田山寇劉興策負險肆掠復推誠招諭皆束身歸遂并賦其地得田千餘畝制府上其功詔金幣嘉賚焉以行取召拜南廷評轉左寺正凡七年擢守石阡石阡夸地大經單車馳赴諸不便民者悉罷之剖決無留獄民有不解擔之謠丁亥京察以浮躁罷歸公論惜之歷宦十七載囊無餘積分宅以居諸弟汗邪數區讓爲弟有而自處徒四壁短袍疏食怡如也

林焮章字繼照應采子萬曆癸酉鄉薦初任永平郡
丞清慎敏幹備極勤勞石門兵譁有單騎定變之
功爲當道倚重交章首薦者二十餘疏載明代史
冊中推舉卓異擢刑部員外郎旋晉湖廣按察司
僉事備兵湖北時播事起飭兵督餉轉運隨征日
無寧晷以平播功優叙錫賚帑金蓋異數也子堯
俞貴贈禮部尙書

陳瑛字廷玉文龍裔萬曆甲戌進士授南戶部主事
權舟淮陽多所釐革當事者以諳河渠薦改工部

興化府莆田縣志

卷二十四

人物

五十五

虞衡主事督造清江漕艘悉以舊版佐築河又裒
新版之美佐成高家堰河漕諸大臣交重之以塞
鄭口功遷員外郎旋詔以都水郎中董中河事因
開梁山新河經牟山至古洪十有二里又開境山
故河以助梁流費僅一萬四千緡省水衡金錢無
算陞俸一級滿九載復以寶應月河成擢山東左
叅政督漕儲晉廣東按察使治兵廣州已而河復
決睢邳間遂召還爲徐淮兵河道與潘司空季馴
按行千里從負薪之役凡築新舊大堤及橫圍月

堤爲丈十有三萬六千有奇濬故所開境山之河
南北爲丈二百二十有六塞決口三砌滾水壩四
大壩二十有二諸具宸斷大工錄及河防一覽中
晉右使以外艱歸甫闕復推原職治河而瑛已卒
矣瑛平生孝友與人交坦易無他腸仕績皆在河
上河壩之民至今祀之

盧廷選字鉉卿萬曆壬辰進士知滄州鋤奸摘伏獄
無滯訟時方興橫海舟師大軍出干滄供億驛騷
少不給則立靡廷選馭應有方無敢譁者巨璫挾

興化府莆田縣志

卷二十四

人物

五
仕

稅柄凌轢州郡廷選以民艱抗議詞色從容璫慙
沮而戢歷工部郎中出知南昌府南昌故多才廷
選集士課文諸生呈藝與爰書彙列几案間剖決
品藻無不各厭人意者修東西二湖堤弛漁利以
予民歷江西叅政議減宗祿就各宗現在之折額
以均惠于待封之子孫時用其策諸邸悅從著爲
令尋以蜚語解組去家居數載復起爲湖廣叅政
修城垣繕于振爲固圍計盜徐賓踰城剽巨室輿
議以盜伏城中當排門大索廷選獨不謂然密遣

邏遠地跡之盜果獲卒于官方病中檄武昌嚴察郡獄多滯囚勢將有變歿數日而難作楚人以為神云所著有四書質義尙書雅言浴碧堂集

俞維宇字憲喬萬曆乙未進士授戶部主事奉勅北京督稅自矢冰清一洗積弊出為登州知府剖決如流案無留牘調知濟南濟南稱繁劇訟獄尤多因念囚徒守候困苦凡屬縣所解隨至隨審淺深輕重悉當其罪故獄無滯冤陞山東副使歷叅政捐俸重新孟子廟刻碑紀事已而按察蘇松所至

興化府莆田縣志

卷二十四

人物

七

仕

釐奸剔弊吏不敢欺公退暇卽與部下諸生講論文藝彌日夜弗倦如顧宗孟許國榮馬世奇吳偉業皆所得士後並知名於時轉廣西右布政補湖廣左布政除各縣火耗一遵部頒時魏忠賢勢熾甚各直省鄉試榜俱欲得魏姓前列以媚璫諸司希意當楚榜將發內外當事者徬徨惟恐失姓魏人致干部中駁勘維宇時為提調獨厲聲曰朝廷立賢無方謂何至公堂上豈容徇私而務搜得魏姓以為聲援地乎以此忤意遂拂袖歸闢古意亭

日與賓朋灑酒賦詩逍遙田野淡素如經生人不
知爲故時方伯也璫敗部擬催巡撫會丁內艱服
未闋卒年五十四

黃起龍字應興萬曆戊戌進士授行人三奉使未嘗
受人餽遺歷拜南吏科給事中時東宮久罷講筵
福藩封不就國廷臣莫敢言起龍甫受事卽上儲
教關係匪輕儲教分封猶緩等疏中外矐之有貪
緣宦寺出入織造局爲奸者起龍力按其罪凡所
策邊事皆有先見請復建文年號追諡靖難仗節

興化府莆田縣志

卷二十四 人物

五 仕

諸臣及請鄉先正彭韶黃鞏馬思聰應諡應改又
上君德國典經濟災異修省弭邪諸疏俱不報起
龍居垣遇事直陳犯人主之深忌決衆人之必爭
有畱垣奏議四卷

俞誨字忠伯萬曆辛丑進士初令新喻持以廉潔化
以惠慈實心爲民兩入覲預卓異宴戊申行取陞
戶部主事尋擢雲南道御史侃侃建言疏劾江西
稅監李道縱役剝商釀盜起釁與馬堂等亟宜正
法以銷亂萌復請瑞王之藩及二王婚封不當逾

期東宮講學不當久輟巡按廣西時議鎮土州省
郵符誅交會糾橫宗黨羽西陲以寧嗣補湖廣叅
政轉陝西右布政又轉湖南左布政時魏璫熾燄
誦德者醵金立祠誨峻拒之禍幾不測璫敗陟南
京太僕卿未任卒年六十四

黃鳴喬字啓融仲昭京孫萬曆甲辰進士授番禺知
縣除蠹剔弊民以不擾歲禱捐俸賑濟擇市鎮做
曠地爲糜以餽饑民全活數百人性狷直遇事正
色伸論以不能徇臺使者意謫藩幕尋遷安慶推

興化府莆田縣志

卷二十四

人物

五九 仕

官縣令某以酒獻鳴喬受之旣而啓之則金也急
斥去晉南戶部主事歷員外郎中出爲袁州知府
表土瘠賦重視他郡什百向有永不加派之例熹
宗朝稍議增鳴喬爭以去就觸當事怒將欲解組
會怒者暴卒臺司堅畱之表糧自明初以民斗誤
報官斗囚累三百年鳴喬修表志詳其弊後定
賦取正焉袁人賴之載袁州宦蹟中擢河南按察
副使乞歸不許卽解組去子起雒天啓甲子鄉薦
恬淡高風以詩畫名京孫誼見選舉志

林光庭字冲明萬曆甲辰進士授閩鄉知縣閩當關
洛咽喉輪蹄輻輳光庭拊循整辦不遺餘力屢鞫
疑獄白其寃以薦調襄陽邑多巨盜禦過客掠于
女者踵相接光庭設方畧擒置之法郡司理黎姓
者素寵一掾以事被許光庭用法繩之庚戌大計
黎媒孽其間左遷江西布政司檢校尋補知寧海
縣首葺方正學孝孺祠請特祀陞戶部主事奉勅
關德州倉督河南等處糧儲所過荒處便宜爲河
內之發民賴以安歷晉員外郎中出知武昌府爲

興化府莆田縣志

卷二十四

人物

卒仕

政務從寬厚論罰自笞之外無聞焉會巡撫臨鄂
同列爭望塵道拜光庭獨持憲綱禮撫微銜之遂
請終養不允尋丁外艱歸哀毀苦次未踰年卒子
佳育見選舉衍培知縣曾孫攀桂源俱見選舉

黃諫卿字箴伯萬曆丙午鄉薦以廣信推官擢御史
兩淮巡鹽奏羨銀數萬兩上之尋轉四川兵備時
賊張獻忠猖獗諸吏蜀者多畏縮不前諫卿獨慨
然就道至瀘州遇賊抗節不屈死崇禎十四年贈
太僕卿

海應龍字元辰萬曆丁未進士初知揭陽再任麗水
兩邑皆有惠政尋以卓異擢南刑部主事轉郎中
多所平反出知池州德著於民擢廣東右江道兵
備賓州地近土司饒瘠瘴癘人不樂就應龍善撫
循漢夸爲尸祝於家龍山賊胡扶記叛破潯州時
左江道缺巡撫以賓密邇龍山爲賊歸竄路檄應
龍督兵往截應龍時報遷川東叅政日以母老思
歸且非所轄地巡撫稔其素有弘畧得土舍士兵
心必欲畱之應龍遂以討賊自任日與督兵諸將

興化府莆田縣志

卷二十四

人物

三仕

領規度陵谷險要情形靡有寧晷昇犯霜露不敢
言勞未幾得瘴病遂不起臨歿言不及私但問賊
首除否賓潯之人無不悲涕督撫交章以聞上嘉
其志慮忠勤歿於王事特贈太僕寺卿予祭葬廕
一子入監令有司建祠祀之

周燝字鉉吉少有才名年二十四登萬曆丁未進士
知曹州明習吏事每鞠獄不數言立剖發奸弭盜
境內肅然軫矜矻役賒累之艱建均徭法粥饑者藥
病者贖鍰許民輸布絮因製以給寒者衣置學田

造士臺章交薦有治冠三齊之稱擢兵部武庫司
員外郎出爲湖廣督學楚故才藪燿精於識鑒竟
陵譚元春謝塲屋業強起拔冠多士遂發解楚省
他所首拔者金聲譚元禮歐陽丞楊兆儀皆成大
名陞叅議分守荆西時川貴用師兵餉繹騷燿外
攘內戢備極拮据征蜀兵過荆州縱暴有司繩以
法幾激亂燿白巡撫執法峻督而自以軍士遠征
勞苦代請寬政威惠並行衆始戢有奸民仇某甲
乃詐爲其人謀亂書與獄囚約內應者故委於道

興化府莆田縣志

卷三十四

人物

三仕

吏得之大怖燿曰此反間計也第密伺之當再至
奸果獲諸如練衛軍審編派設哨船製軍器皆蚤
計綢繆不張皇而事集荆西人德之卒于官年僅
四十孫鉞見選舉志

陳騰鳳字鳴周萬曆丁未會試第二人授開州知州
州多巨寇習弓馬乘突騎要截行劫商旅畏途騰
鳳廉其實以計誘得渠魁立殺之自是賊徒屏息
澶涓久困水患騰鳳設法隄防民得安堵丁內艱
服闋補禹州復調大倉州婁有隱糧七千五百餘

石或爲田衝蕩或爲坍漲混者民困於輸供騰鳳不避勞怨逐一洗刷遺累洒然陞兵部員外郎出爲河南提學僉事秉公矢慎首拔者悉皆入彀有河洛九十元魁卷鐫行于世部覆稱最加銜再任轉浙江糧儲副使勤運輓部推卓異離任日却羨金三千盡充公儲乞歸養冢宰趙南星覆疏有人方仰其有守而有爲本官則已知止而知足家居二十載杜門守靜所著有四書講意尙書要言及靜虛齋集卒年七十二

陳亶藻字爾鑑萬曆庚戌進士官行人陞禮部祠祭主事會日食疏言陽掩于陰刑餘之人豈可使預國家事魏璫見之恚甚欲置之死首輔葉向高力救得免尋出爲江西叅政大司農檄徵南糧抵浙直水滂之數亶藻以爲病民欲掛冠歸民遮道留之相率輸將恐後亶藻又出其俸餘補加耗躬督以行徑達長淮時寧遠告警漕撫復令督至天津權使以非舊例阻亶藻曰國家視寧遠爲安危寧遠視津糧爲饑飽此正臣子報効之日遂厲衆而

往軍儲獲濟晉廣東雷瓊廉分守嘗寄示其子云
人言雷州出葛予不見一尺人言廉州出珠予不
見一粒惟瓊州有丘文莊集可寄汝耳擢貴州布
政使以父老疏乞終養歸結茅於梅峰之麓托詩
畫以見意所著有願吟詩集年九十餘卒

鄭楚勳字叔魁天啓甲子順天鄉薦爲雩都令有惠
政邑天華山神最靈歲禱祀得香錢千緡宗藩欲
據爲已有楚勳曰山皆民山倘入藩府卽民之田
宅歸蠶食矣力爭於當道取還民崇禎朝行取擢

興化府莆田縣志

卷二十四

人物

畜仕

御史屢陳守禦策多見採納時冢宰鄭三俊都憲
劉宗周以敢諫黜楚勳累疏論辨直聲震都下後
歸隱澄溪卒子泰樞順治辛丑進士署延平教授
倣胡安定課士法核其文行純粹者薦之府以示
獎勵修學宮及四賢祠泰樞襟韻瀟灑品行篤實
與人交極敦摯署內有高阜曰梅山建賦梅閣於
其上與諸名士晨夕誦詠以爲樂先是遷界令下
莆人多轉徙延郡泰樞倡設興化社與鄉人修蜡
臘懽好濟窮掩骼嘗舟泊洞庭捐修五烈女廟立

石賦詩以表之年六十六卒于官舍所著有辨駮
悅莊讀陶定齋集若干卷

林玄字玄之萬曆丙午鄉薦就昌平教諭辛酉聘考
秦中多得知名士壬戌成進士授富順知縣縣田
賦徭役郵傳種種害民玄至不顧謗訕力清諸弊
以不能曲事上官改順天教授轉國子監助教晉
戶部主事監兌江西漕事以辦屏絕一切輿輓之
餽既還部以郎中摧餉山海關禁却例羨吏得
索一錢擢知彰德府降大理寺副遷寺正轉工部
典化府莆田縣志

卷二十四

人物

李五

郎中降寧波通判嘗攝郡符寬和爲政事務便民
民共歌之秩滿三年卒于官著有梵聲室文集僉
事王思任爲之序都憲劉宗周狀其行云

黃起鯤字爾度少警敏極羣書及長爲督學鄭三
俊岳駿聲所知皆以國士目之試文傳播四方兼
擅字學不肯妄與人書天啓辛酉恩貢至京諸當
道其名爭相迎致甲子順天乙榜起鯤歎日出
處命也吾亦安用勞勞爲哉卽日赴吏部選得高
郵州同知人皆以爲美缺乃起鯤恨不能一日徙

去故當利權所在常讓於人而已分毫不染三年
陞湖廣永州府通判抵任未幾卽檄署零陵縣篆
凡前令一切病民之政悉皆罷除民大歡悅值天
時亢旱起覬日夜躬自步禱雨亦隨沛人以為至
誠所致永州有錫礦礦工數千人聚而為寇逼郡
城起覬職司捕盜日同諸將領督兵追逐奈賊衆
我寡其勢不敵乃星夜辦文請粵西兵與省會兵
會勦不數月除之起覬謀畫居多以勞致病歸卒
于家所著有少摘園集四卷

興化府莆田縣志

卷二十四

人物

六

仕

許璟字亞宋崇禎戊辰進士授南昌推官補廬州
以忤御史去再補韶州有平寇功擢刑部主事轉
員外郎恤刑江南陞湖廣叅議分守岳州是時賊
蹂楚中璟內外提防以疾解組歸未幾卒

林佳鼎字漢宗崇禎甲戌進士官戶部郎中出權九
江稅關時荆襄寇熾川廣舟楫不通朝廷以宗祿
不給增商稅萬金佳鼎念賈人困弊已極卽議加
停棹益不前乃以耗羨抵增額商人大悅檣航絡
繹而下丁外艱服闋補禮部郎中林宗伯欲楫器

其才一時制作典禮皆出佳鼎乎定癸未分校禮
闈得相國杜立德等二十人出爲廣東提學副使
公慎自天甲乙殿最凜若神明惠王播越瑞州移
令學中廣增科額佳鼎堅執故事不從曰學政朝
廷之學政非藩府之學政督學朝廷之督學非藩
府之承奉司也王無以奪其獨立行意類如此佳
鼎長身玉立發語若洪鐘張目若巨電而所遇非
時胸中憤鬱每宴會對客引巨觴劇飲醉後擊几
狂呼後以節蹈海歿子朋隆見選舉志

